



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«Ք» օգոստոս 2022թ.

ք. Երևան, Ս. Դավթի 87Ա

ՈՐՈՇՈՒՄ N 117-1-Ա ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Համլետ Վրեժի Իսախրյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 32230/2021/ԿՈՒՎ4/Ա արձանագրության /կցվում է/ ֆիզիկական անձ Համլետ Վրեժի Իսախրյանի (Հասցե՝ Աշտարակ, Ա. Մանուկյան փողոց, 1-35, ՀՎՀՀ՝ 54688247, ՀԾՀ՝ 1501880055, ն/քարտ՝ 008538613) չկատարված հարկային պարտավորությունը 17.06.2021թ. դրությամբ կազմել է 128,203 դրամ, որից հարկ՝ 109,650 դրամ, տույժ՝ 18,553 դրամ, որը հաշվարկվել է ֆիզիկական անձի կողմից 2019թ. ընթացքում թվով 8 տրանսպորտային միջոցներ օտարելու արդյունքում՝ ՀՀ հարկային Օրենսգրքի (այսուհետ Օրենսգիրք) 147-րդ հոդվածի 1-ին մասի 16-րդ կետի «ա» ենթակետով սահմանված կարգով:

Վերոնշյալ պարտավորությունը գանձելու վերաբերյալ 18.01.2022 թվականին կայացվել է թիվ 117-Ա որոշումը:

Հաշվի առնելով 16.05.2022 թվականի ՀՏՈՎ վարչությունից ստացված թիվ Ն/71-4/84028-2022 գրությունն առ այն, որ Համլետ Վրեժի Իսախրյանի կողմից 04.04.2022 թվականին ներկայացված 2019 թվականի եկամտային հարկի և սոցիալական վճարի տարեկան հաշվարկը վերաբերվում է թիվ 32230/2021/ԿՈՒՎ4/Ա արձանագրությամբ նշված գործարքին, ուստի առկա են բավարար հիմքեր թիվ 32230/2021/ԿՈՒՎ4/Ա արձանագրության հիման վրա կայացված թիվ 117-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

ՈՐՈՇԵՑԻ

Ֆիզիկական անձ Համլետ Վրեժի Իսախրյանի վերաբերյալ ՀՀ ՊԵԿ իրավաբանական վարչության պետի կողմից 18.01.2022 թ. կայացված թիվ 117-Ա որոշումը ճանաչել ուժը կորցրած:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Սեդա Ասատրյան
հեռ.՝ 010-309-191 (9155)



ԱՐՄԱՆ ՄՆԱՑԱԿԱՆՅԱՆ